

Na osnovu člana 32. Zakona o pravobranilaštvu ("Službene novine Srednjobosanskog kantona", broj 8/17), člana 38. tačka 2 i člana 110 stav 1. Statuta općine Gornji Vakuf – Uskoplje («Službeni glasnik općine Gornji Vakuf – Uskoplje», br. 1/01 i 3/05) i člana 89. Poslovnika o radu Općinskog vijeća Gornji Vakuf – Uskoplje («Službeni glasnik općine Gornji Vakuf – Uskoplje» br. 7/13), Općinsko vijeće Gornji Vakuf – Uskoplje na svojoj ___ redovnoj sjednici održanoj ___..2021. godine, donijelo je,

O D L U K U
o osnivanju Općinskog pravobranilaštva
Gornji Vakuf-Uskoplje

Član 1.
(Predmet Odluke)

Ovom Odlukom osniva se Općinsko pravobranilaštvo Gornji Vakuf – Uskoplje kao samostalan organ koji, u skladu sa propisima, ulaže određena pravna sredstva i poduzima mjere u svrhu pravne zaštite imovine i imovinskih interesa Općine Gornji Vakuf – Uskoplje.

Član 2.
(Sjedište)

Sjedište Općinskog pravobranilaštva je u Gornjem Vakufu-Uskoplju, ulica Vrbaska bb.

Član 3.
(Pečat)

(1)Općinsko pravobranilaštvo ima pečat.

(2)Pečat je okruglog oblika, prečnika 50 mm - veliki pečat i 25 mm – mali pečat s tekстом sljedećeg sadržaja:

Bosna i Hercegovina
Federacija Bosne i Hercegovine
Srednjobosanski kanton
Općina Gornji Vakuf-Uskoplje
Općinsko pravobranilaštvo.

Član 4.
(Poslovi pravobranilaštva)

(1)Općinsko pravobranilaštvo obavlja poslove pravne zaštite imovine i imovinskih interesa općine i njezinih organa koji nemaju svojstvo pravnog lica a finansiraju se iz općinskog budžeta.

(2)Općinsko pravobranilaštvo može zastupati pravno lice koje osniva općina i koje se finansira iz općinskog budžeta ako je to predviđeno aktom o osnivanju pravnog lica.

(3)Općinsko pravobranilaštvo pruža stručnu pomoć općinskim organima i organizacijama, javnim preduzećima, privrednim društvima sa udjelom državnog kapitala i drugim pravnim licima u rješavanju imovinsko-pravnih pitanja i daje mišljenje u vezi s zaključivanjem ugovora imovinsko-pravne prirode.

Član 5.
(Zastupanje)

(1)U poslovima zastupanja Općinsko pravobranilaštvo, kao zakonski zastupnik Općine, poduzima pravne radnje i ulaže pravna sredstva radi zaštite imovine i imovinskih interesa Općine pred sudovima i drugim nadležnim organima, kao i u drugim slučajevima zaštite imovine i imovinskih interesa Općine ako je za to ovlašteno zakonom.

(2)U poslovima zastupanja iz stava 1. ovog člana Općinsko pravobranilaštvo ima položaj i prava stranke u postupku u skladu sa zakonom.

Član 6. (Dužnost Općinskog pravobranilaštva)

Dužnost Općinskog pravobranilaštva obavlja općinski pravobranilac, koji predstavlja Općinsko pravobranilaštvo, rukovodi njegovim radom te obavlja druge dužnosti utvrđene zakonima Federacije Bosne i Hercegovine, Zakonom o pravobranilaštvu i drugim propisima i općim aktima.

Član 7. (Imenovanje i smjenjivanje općinskog pravobranioca)

Općinskog pravobranioca imenuju i smjenjuju Općinsko vijeća Gornji Vakuf-Uskoplje, na prijedlog načelnika Općine Gornji Vakuf-Uskoplje, u postupku utvrđenom Zakonom o pravobranilaštvu i u skladu sa posebnim propisima.

Član 8. (Plaća i osnovica za obračunavanje)

(1)Općinski pravobranilac ima pravo na plaću.

(2)Koeficijent za obračun plaće je 7,60.

(3)Osnovica i vrijednost boda za obračun plaće jednaka je osnovici i vrijednosti boda za obračun plaće državnih službenika i namještenika u Općini Gornji Vakuf-Uskoplje.

Član 9. (Sredstva za rad)

Sredstva za rad Općinskog pravobranilaštva osiguravaju se u Budžetu Općine Gornji Vakuf-Uskoplje.

Član 10. (Početak rada)

Općinsko pravobranilaštvo početak će sa radom 01.01.2022.godine.

Član 11. (Primjena propisa)

Na sva pitanja koja nisu regulisana ovom Odlukom primjenjuju se odredbe Zakona o pravobranilaštvu („Službene novine SBK“, br. 8/17).

Član 12. (Stupanje na snagu)

(1)Stupanjem na snagu ove Odluke prestaje da važi Odluka o osnivanju Zajedničkog općinskog pravobranilaštva br. 01-08-91/19 od 29.10.2019.godine („Službeni glasnik Općine Gornji Vakuf-Uskoplje“, br. 6/19).

(2)Ova odluka stupa na snagu osmog dana od dana objave u „Službenom glasniku Općine Gornji Vakuf-Uskoplje“).

Broj: 01-02.1-___/21
Gornji Vakuf-Uskoplje,
__.__.2021.godine

PREDSJEDNIK
OPĆINSKOG VIJEĆA
Goran Batinić, mag.nov.

O b r a z l o ž e n j e

Pravni osnov za donošenje Odluke o osnivanju Općinskog pravobranilaštva sadržan je u odredbama:

- člana 32. Zakona o pravobranilaštvu ("Službene novine SBK", broj 8/17) kojim je u stavu (2) propisano da općinsko vijeće može svojom odlukom osnovati općinsko pravobranilaštvo, stavom (4) regulisano je da se odlukom utvrđuje posebno: sjedište pravobranilaštva, način osiguranja sredstava za njegov rad, broj zamjenika općinskog pravobranilaoca i dan početka rada.
- član 38. tačka 2 i član 110 stav 1. Statuta općine Gornji Vakuf – Uskoplje («Službeni glasnik općine Gornji Vakuf – Uskoplje», br. 1/01 i 3/05);
- član 89. Poslovnika o radu Općinskog vijeća Gornji Vakuf – Uskoplje («Službeni glasnik općine Gornji Vakuf – Uskoplje» br. 7/13).

Razlog za donošenje

Obaveza usklađivanja organizacije pravobranilaštva sa Zakonom o pravobranilaštvu ("Službene novine SBK", broj 8/17).

U dogovoru Općinskih načelnika Općina Bugojno, Donji Vakuf i Gornji Vakuf-Uskoplje, a imajući u vidu prethodna pozitivna iskustva u radu Općinskog javnog pravobranilaštva Bugojno i činjenicu da je ovaj vid organizovanja ekonomičniji za sve tri općine, Općinsko vijeće je donijelo Odluku o osnivanju Zajedničkog općinskog pravobranilaštva krajem 2019.godine.

Obzirom da Općinsko vijeće Bugojno na svojoj 23. sjednici od 11.06.2020.godine donijelo Odluku o osnivanju vlastitog općinskog pravobranilaštva i istupanja iz osnivačkog udjela o osnivanju Zajedničkog općinskog pravobranilaštva, te da je, u međuvremenu, to isto uredila i Općina Donji Vakuf (sjednica od 30.12.2020.godine), Općini Gornji Vakuf-Uskoplje ne preostaje ništa drugo nego da donese ovu Odluku.

Finansijska sredstva

Za realizaciju ove Odluke sredstva su planirana u Budžetu Općine Gornji vakuf-Uskoplje za 2021.godinu.